

**BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: A-104/26
Tuzla, 20.02.2025. godine**

Na osnovu odredbe člana 75. Zakona o državnoj službi u Tuzlanskom kantonu („Službene novine Tuzlanskog kantona“ broj: 7/17, 10/17, 10/18, 14/18, 8/21, 10/22, 14/22 i 7/24), u daljem tekstu: Zakon o državnoj službi u Tuzlanskom kantonu, odredbe člana 22. stav 2) tačka d i člana 110. Pravilnika o unutrašnjem poslovanju, organizaciji i sistematizaciji radnih mjesta Kantonalnog tužilaštva Tuzlanskog kantona broj A-470/24 od 26.12.2024.godine, Odluke Vlade Tuzlanskog kantona o davanju saglasnosti za prijem namještenika u radni odnos na neodređeno vrijeme broj: 02/1-30-248-1/26 od 03.02.2026. godine, i Odluke Vlade Tuzlanskog kantona o davanju saglasnosti za prijem namještenika u radni odnos na neodređeno vrijeme broj: 02/1-30-474-1/26 od 17.02.2026. godine, Glavni kantonalni tužilac objavljuje:

**JAVNI OGLAS
za popunu upražnjenog radnog mjesta namještenika na
neodređeno vrijeme u Kantonalno tužilaštvo Tuzlanskog kantona**

1. NAZIV RADNOG MJESTA I OPIS POSLOVA ZA UPRAŽNJENA RADNA MJESTA

01. Viši referent – asistent tužioca - daktilograf3 (tri) izvršioca

• OPIS POSLOVA

01. Viši referent – asistent tužioca - daktilograf

Opis poslova:

- Kreiranje tužilačkih dokumenata, evidentira prateće priloge pismena po naredbi tužilaca,
- Vršiti izradu dostavnica za pismena koja se dostavljaju van Tužilaštva,
- Preuzimanje i vraćanje spisa u spremište za predmet, po unaprijed pripremljenim listama za svakog tužioca,
- Evidentira sve vrste podnesaka zaprimljenih u toku saslušanja ili ispitivanja
- postupa po dnevnoj naredbi tužioca,
- Dostavlja kopije poziva upućenim svjedocima pisarnici u skladu sa naredbom tužioca,
- Obavlja i druge daktilografske poslove na prijepisu i sravnjavanju materijala,
- Ima kreiran korisnički nalog te kao korisnik TCMS obavezan je da postupa prema pravilima propisanim u Pravilniku TCMS,
- Svakodnevno vrši ulaganje svih podnesaka i dostavnica u predmete koji se nalaze u kancelariji tužilaca,
- Stara se o načinu, sistematizaciji i slaganju predmeta hronološki na police koje se nalaze u kancelariji tužilaca,
- Vršiti pripremu predmeta koji se dostavljaju na otpremu,
- Obavlja i druge poslove po nalogu glavnog tužioca, zamjenika glavnog tužioca tužilaca, sekretara Tužilaštva i šefa odsjeka.

2. UVJETI ZA OBAVLJANJE POSLOVA I RADNIH ZADATAKA ZA UPRAŽNJENA RADNA MJESTA

a) OPĆI UVJETI

U radni odnos na radna mjesta navedena pod tačkom 1. ovog Javnog oglasa, može biti primljeno lice koje ispunjava opće uvjete iz odredbe člana 77. Zakona o državnoj službi u Tuzlanskom kantonu, kako slijedi:

- ✓ *da je državljanin Bosne i Hercegovine,*
- ✓ *da je starije od 18 godina,*
- ✓ *da je zdravstveno sposobno za obavljanje poslova utvrđenih za radno mjesto pod tačkom 1. ovog Javnog oglasa,*
- ✓ *da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji, sistematizaciji radnih mjesta i poslovanju Kantonalnog tužilaštva Tuzlanskog kantona*
- ✓ *da u posljednje dvije godine od dana objavljivanja Javnog oglasa nije otpušteno iz organa državne službe kao rezultat disciplinske kazne na bilo kojem nivou vlasti u Bosni i Hercegovini,*
- ✓ *da nije obuhvaćeno odredbama člana IX.1. Ustava Bosne i Hercegovine.*

b) POSEBNI UVJETI

Pored općih uvjeta, kandidat treba ispunjavati i sljedeće posebne uvjete za vršenje poslova radnog mjesta pod tačkom 1. ovog Javnog oglasa, i to:

01. Viši referent – asistent tužioca - daktilograf

- ✓ *SSS, IV stepen, gimnazija, upravna, birotehnička, administrativno-tehnička, ekonomska, građevinska, rudarska, mašinska, hemijska, saobraćajna, elektrotehnička ili druga škola društvenog odnosno tehničkog smjera, 10 (deset) mjeseci radnog staža poslije završene navedene srednje škole, poznavanja rada na računaru i poznavanje daktilografije.*

3. SPISAK DOKUMENATA KOJE JE POTREBNO DOSTAVITI NA JAVNI OGLAS

Uz prijavu na Javni oglas, sa kratkom biografijom i kontakt podacima (adresa i broj telefona), prilažu se sljedeći dokumenti (**originali ili ovjerene fotokopije**):

- ✓ *Prijava na oglas sa kraćom biografijom i kontakt podacima (adresa, e mail i broj telefona);*
- ✓ *Uvjerenje o državljanstvu (ne starije od 6 mjeseci);*
- ✓ *Izvod iz matične knjige rođenih;*
- ✓ *Svjedočanstvo ili diploma o završenoj srednjoj školi;*
- ✓ *Dokaz o poznavanju rada na računaru;*
- ✓ *Uvjerenje/potvrdu o radnom stažu nakon završene srednje škole (kandidati mogu dostaviti i uvjerenje/potvrdu iz Poreske uprave ili PIO/MIO-a);*

- ✓ *Ovjerenu izjavu da u posljednje dvije godine od dana objavljivanja oglasa nije otpušten iz organa državne službe, kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovine;*
- ✓ *Ovjerenu izjavu kandidata da nije obuhvaćen odredbom člana IX 1. Ustava Bosne i Hercegovine.*

NAPOMENA:


- *Sa kandidatima čije prijave budu blagovremene i potpune **obavit će se intervju i pismeno testiranje.** O terminu održavanja pismenog testiranja i intervjua, kandidati će biti naknadno obaviješteni. Za kandidate koji se ne pojave na pismenom testiranju ili intervjuu, smatrat će se da su odustali od daljnje konkursne procedure.*
- *Nepotpune i neblagovremene prijave neće se razmatrati.*
- *Izabrani kandidat će biti dužan dostaviti uvjerenje da se ne vodi krivični postupak i ljekarsko uvjerenje o općoj zdravstvenoj sposobnosti prije preuzimanja dužnosti namještenika (ne starije od tri mjeseca, u originalu ili ovjerenoj fotokopiji). U slučaju da kandidat ne dostavi uvjerenje da se ne vodi krivični postupak i ljekarsko uvjerenje nakon prijema, bit će odabran sljedeći kandidat sa liste, koji ispunjava taj uvjet.*

4. ROK TRAJANJA OGLASA I ADRESA ZA PODNOŠENJE PRIJAVA

- ***Javni oglas ostaje otvoren 15 (petnaest) dana od dana objave oglasa u dnevnim novinama.***

Sve tražene dokumente dostaviti neposredno ili **putem pošte - preporučeno**, na adresu:

Kantonalno tužilaštvo Tuzlanskog kantona, Maršala Tita 137, 75000 Tuzla, sa naznakom **JAVNI OGLAS za popunu upražnjenog radnog mjesta namještenika na neodređeno vrijeme u Kantonalno tužilaštvo Tuzlanskog kantona** (sa obaveznom naznakom pozicije na koju se prijava odnosi) – **NE OTVARATI.**



Glavni kantonalni tužilac
Vedran Alidžanović